

МЕСЯЦА ДЕКАБРЯ В 11-Й ДЕНЬ

Преподобнаго отца нашего Даниила Столпника

Аллилуия или тропарь.

Ведати подобает, яко от сего, 11-го дне, начинается Неделя пророцеская и восходит сего же декабря до 17 дне.

Устав зри на страницах 419—421.

ВЕЧЕР

На Господи, воззвах: стихирь 3, глас 8.

Подобен: Что вы наречем:



то ты, Данииле, провещаем? / страстей искренителя и садотщателя добродетелей, / истинна чудоделателя и молитвенника о грешных, / духов прогонителя доблестнейша, / светильника, благочестием сияюща, / Церкви поборника. / Моли спастися душам нашим.

Что ты, Данииле, возыменуем? / постника, яко страсти покорил еси уму, / страдальца, яко всяку претерпел еси лютость, / на высоту от земли столпа воздвизаема, / на камени истины водружаема, / подвижника усерднейша и врача искуснейша. / Моли спастися душам нашим.

Что ты, Данииле, ныне наречем? / монашествующих образ и воздержания наказателя, / украшение верных и целений самоделателя, / светильника, сущим во тьме свет облистяюща, / Ангелов согражданина и равночестна, / рая жителя и Небеснаго человека. / Моли спастися душам нашим.

**Ины стихиры Пресвятыя Богородицы,
глас и подобен тойже.**

Аще аллилуия, поются сии стихиры прежде:

Странно таинство, Чистая, / безсеменнаго Твоего
рождества, Дево, и ужасно, / превосходящо
величеством всяку мысль человекчу. / Егоче бо не
терпят зрети многоочитии, / и чини вси святых
Ангел трепещут, / нам плотию породила еси /
неотступльша же Отча Существа: / славим
рождшую Тя, Богоневесто.

Кому уподобилася еси, окаянная, / к покаянию
никакоже возникущи, душе? / и огня не ужасашися,
злых ждущаго, / востани, и Едину к
заступлению / скороу призови, и возопий: / Дево
Мати, моли / Твоего Сына и Бога нашего / избави
ти мя сетей льстиваго.

Огнь рождши нестерпимый, / пополяющий грехи
и орошающий верныя, / вечная безмерных моих,
Пренепорочная, Чистая, согрешений / попали
молитвами Твоими / и росю истаявшую страстьми /
душу мою прохладй, / яко да Твою велегласно
милость и силу / величаю, раб Твой.

**Слава, и ныне, Богородичен,
глас и подобен тойже:**

Всех заступление, Владычице, / пучиною обуре-
ваемому мне тьмы / и лютых житий треволненными /
погружаему ми присно, / каплю милости Твоея
низпосли, / и руку помощи Твоея подаждь ми, / и
части сподоби мя / избранных и праведных, / яко
бездну рождшая — Человеколюбца.

Аще ли среда или пятък: И ныне,

Крестобогородичен, глас и подобен тойже:

Агница Агница яко виде / на Древе, простерта
волею, крестнем, / вопияше матерски, болезнующи
с плачем: / Сыне Мой, что странное сие видение? /
Всем живот дай яко Господь, / како умерщвля-
ешия, Долготерпеливе, / земным подай воскресение? /
славлю Твое многое, Боже мой, снизхожде-
ние.

Аще ли, Бог Господь: Слава, глас 5. Студитово:
Вверенный тебе талант от Христа добре делав,
 преподобне отче, / явился еси и по смерти демонов
 прогонитель / и врач различных болезней, / столп
 и утверждение и гора святая Церкви Христовы. /
 Тем тя молим, Данииле чудотворче, / мир испроси
 и душам нашим велию милость.

И ныне, Богородичен. На стиховне Октóиха.

Тропарь, глас 1:

Терпения столп был еси, / ревновавый праот-
 цем, преподобне, / Иову во страстех, Иосифу
 во искушениях, / и Безплотных жителству / сый в
 телеси, Данииле, отче наш, / моли Христа Бога
 спастися душам нашим.

НА УТРЕНИ

Оба канона Октóиха и преподобнаго на 4, глас 8,
егоже краеграние: Песньми чествую Даниила
столпника. Иосиф.

Песнь 1

Ирмос: Поим Господеви, / проведшему люди
Своя сквозе Чермное море, / яко Един славно
прославися.

Песньми благовосхвалити хотящу память твою,
 блаженне, / светоносную ми зарю, Данииле, с
 Небесе низпосли.

Велие солнце истинно, отче, возсиял еси кон-
цем, / добродетелей светлостью озаряя верных
собрания.

Законом Владычним, отче, повинуюся, / умер-
твил еси воздержанием плоть / и повинул еси сию
Духу.

Богородичен: Весь Человек явился, пребыв еже
бе и по воплощении, / иже из Тебе, Богородице,
родивыйся неизменный Господь.

Песнь 3

Ирмос: Небеснаго круга Верхотворче, Господи, /
и Церкви Зиждителю, / Ты мене утверди в любви
Твоей, / желаний краю, верных утверждение, /
Едине Человеколюбче.

Жезлóm воздержáния страстéй мóре, óтче, рáстерзáв, / прешéл есѣ непотоплén, / и гóру достѣгл есѣ ѣстиннаго безстрастѣя, / и Бóгу бесéдовал есѣ умá чистотóю.

Возшéd на высотú добродéтелей, / знáемь был есѣ мѣру: / на столпé бо стоя възвѣшен / и сѣянием преслáвных чудес озарѣяя вéрою к тебé притекáющѣя.

Водружén на кáмени Бóжѣя знáния, / всéми козньмѣ бесóвскими явилсѣ есѣ непоколебѣмь: / на столп úбо тéло твоé на землѣ възвѣсил есѣ, / дúшу же вперѣл есѣ к Небésным.

Богорóдичен: **Избáви мя страстéй нашéствѣя, Владычице, / и борющѣя мя врагѣ ныне преборѣ; / утвердѣ мя на кáмени Бóжѣя воли, / дúшу мою просветѣ, двéре Божéственнаго Свéта.**

Седáлен, глас 1.

Подóбен: Гроб Твоѣ:

На столп тебé самáго възвѣсив, óтче, / воздержáнием, Даниѣле, плоть изнурѣл есѣ. / Тем и Дúха сосúд достóин был есѣ; / благодáть же Божéственную восприém, треблажénне, / недúг всѣкий отгóниши вéрою чтúщих пáмьять твою.

Слáва, и ныне, Богорóдичен:

Уповáние христиáн, Пресвятáя Дéво, / Егóже родилá есѣ, Бóга, пáче умá и слóва, / непрестáнно молѣ о воспевáющих Тя, / подáти оставлénие грехóв нáших всех и исправлénие житѣя / вéрою и любóвию прѣсно слáвѣющим Тя.

Крестобогорóдичен:

Несквэрная Áгница, / Áгница и Пáстыря, повéшена на Дрéве, мёртва зрящи, / плáчущи, вещáше, мáтерски восклицáющи: / кáко претерплю Твоé, éже пáче слóва, Сýне Мой, снѣтие / и вольныя страсти, Бóже Прεблагѣй?

Песнь 4

Ирмос: **Ты моя крéпость, Гóсподи, / Ты моя и сѣла, / Ты мой Бог, Ты мое рáдование, / не оставль нédра Óтча / и нáшу нищету посетѣв. / Тем с прорóком Аввакúмом зовú Ти: / сѣле Твоéй слáва, Человеколóбче.**

Яко светозáрное со́лнце, о́тче приснопáмятне, / на столпé блиста́ющая ви́дел еси́ Бо́жия раба́ Симео́на / и истека́ющими от то́го Боже́ственными светлосты́ми / Боже́ственно озари́лся еси́, Дани́и́ле, / и во след то́го жи́тельства ходи́л еси́.

Де́монския полки́ ору́жием ве́ры победи́л еси́, / струя́ми же пото́пил еси́ моли́тв, / па́губу тех, о́тче, отгна́в, ю́же творя́ху пла́вающим, / и спа́сл еси́ ве́рою Бо́гу песнопою́щая: / си́ле Твое́й сла́ва, Человеколю́бче.

Возстолпля́я, о́тче, тебе́ сама́го, всеблаже́нне, / всеноче́не сто́ял еси́, / я́ко безплóтен, не вы́соко душе́вное о́ко стяжа́в / и чи́сто, я́коже зерца́ло, Ду́ха зарю́ / и Боже́ственная явлéния чи́стым по́мыслом прие́мля.

Богоро́дичен: Зако́ни в Тебе́ естества́ обновля́ются: / Законода́вца бо Сло́ва родила́ еси́, / па́че вины́ я́ко и́стинно, Пречи́стая, / и Сло́ва, безсловéсия избáвльшаго род челове́ческий, ве́рно песнопою́щих: / си́ле Твое́й сла́ва, Человеколю́бче.

Песнь 5

Ирмо́с: *Вскую́ мя отрину́л еси́ / от лица́ Твоего́, Свёте Незаходимый, / и покры́ла мя ест чужда́я тьма, окаяннаго, / но обрати́ мя и к свёту за́поведей Твои́х / путы́ моя́ напра́ви, молю́ся.*

Да безсме́ртныя сла́вы получи́ши, / плотская́ умертви́л еси́ желáния, о́тче, / и страсте́й стремле́ния обузда́л еси́ воздержáния труды́, / и река́ чудес яви́лся еси́, / и исто́чник врачевáний, приснопáмятне.

Е́же хождáше стезе́ю, о́тче, на земли́, / Симео́н чу́дный, во у́жасе, блаже́нне, бывшу́ тебе́ яви́ся, / показу́я тебе́ со двема́ Ангелы́, / гряди́,— вопия́,— и стáни у мене́, / к Бо́гу возвы́шаяся благода́тию.

Просвещáемь заре́ю, о́тче, невечёрнею и Боже́ственным осия́нием, / бесóвский мрак и страсте́й мглу отгна́л еси́ / и яви́лся еси́ столп светови́ден / и ле́ствица, и́стинно к Бо́гу ве́рныя возводя́щая.

Богоро́дичен: Влады́ку ро́ждшая, яви́лася еси́ превы́шши Го́рних сил / и земны́х естество́ обожи́ла еси, Отрокови́це Богоневéстная. / Тем Богоро́-

дицу Тя всейстинную душею и языком, вѣрнии, Дѣво, славим.

Песнь 6

Ирмос: Очисти мя, Спасе, / многа бо беззакония моя, / и из глубины зол возведи, молюся, / к Тебѣ бо возопих, и услыши мя, / Боже спасения моего.

Ум твой к Бѣгу приближеніем облистаеть, / неятен сладостей огнем, отче, пребысть, / и страстей горнший, и к плоти-пристрастия вѣшший.

Вод животворных дарований Духа / исполнися твоя душа, Богомудре всеблаженне, / реки источи врачеваний истинно, токи страстей сушация.

Богородичен: Тя, Предстательницу, вѣрнии, и стѣну вси стяжахом, / во глубинѣ злых и молвѣ скорбей присно бѣдствующе, Богородице, / едина земных прибежище.

Кондак, глас 8.

Подобен: Яко начатки:

Якоже звезда многосветлая, ты, возшед, блаженне, на столп, / мир просветил еси преподобными делы твоими / и тьму прелести отгнал еси, отче. / Темже молим тя: / и ныне облистай в сердцах раб твоих незаходящий свет разума.

Икос:

Песнь скверна к похвалению подвиг твоих, отче, приносится: / не имам бо чисто сердце мое, яко сие срамно окалях, / но подаждь ми слово, святе, чисте воспѣти твоѣ житиѣ, / емуже удившася воистинну и Ангели, / ибо был еси, якоже безтелесен, / прием свет незаходящий разума.

Песнь 7

Ирмос: Отроцы еврейстии в пещи / попраша пламень дерзновенно / и на росу огонь преложиха, вопиюще: / благословен еси, Господи Боже, во веки.

Чини Ангельстии твоему стоянию удившася, всеблаженне Богоносе: / с телом бо тех жителство восприем, зывал еси: / благословен еси, Господи Боже, во веки.

Высотой невещественнаго жительства и пророчества сияя светозарением, / врачеваний нам облистал еси лучи, / благочестно чтущим тя, Данииле чудоносне.

Разреши страстей моих мглу светлостию, всеблаженне, твоея молитвы / и на стезю жизни настави, вопиющая: / благословен еси, Господи Боже, во веки.

Богородичен: Милостива мне буди, Дево, / и уязвлена мя оружием греха врачевством Твоея молитвы излечи, / благословен, зовуща, Плод чрева Твоего.

Песнь 8

Ирмос: Седмерицею пещь / халдейский мучитель / Богочестивым неистовно разжже, / силу же лучшею спасены, сия виде, / Творцу и Избавителю вопияше: / отроцы, благословите, / священницы, воспойте, / людие, превозносите во вся веки.

Желаний конечное, добрых крайнее, / отче, Богоносе, известно достиг еси, / крылы облегчаяся добродетельных деяний, / и со Безтелесными, Данииле, взываеши: / отроцы, благословите, священницы, воспойте, / людие, превозносите во вся веки.

Божия тя сила проявленне укрепивши, / терпети зимы злостужное сотвори, / и солнца зной, и гнилости твоея плоти, / и от нея бывших червей озлобление: вопиющая: / отроцы, благословите, священницы, воспойте, / людие, превозносите во вся веки.

Новый Иов ты явился еси, Данииле досточудне, / множеством искушений обдержим и скорбей, / Давидову кротость, и Иаковле беззлобие, / и целомудрие Иосифово подражал еси, вопия благодарственне: / отроцы, благословите, священницы, воспойте, / людие, превозносите во вся веки.

Богородичен: Богородицу, Владычице Всесвятая, мудрствующи Тя, / глаголом последующе Твоим, Всепетая, Тя ныне блажим, / яко Бога блаженнаго родила еси нам, / Егоже, во дву

существоах, единой же Ипостаси, воспевающе, вопиём: / отроцы, благословите, священницы, воспойте, / людие, превозносите во вся веки.

Песнь 9

Ирмос: Устрашися всяк слух / неизреченна Божия снизхождения, / яко Вышний волею сниде даже и до плоти, / от девического чрева быв Человек. / Темже Пречистую Богородицу, вернии, величаем.

Се, тебе двери Небесныя отверзюшася, / преставльшемуся и течение скончавшему, отче, / и Ангелов чини восприяша, / Венцедавец же Христос славою венча тя правды. / Егоже поюще, вернии, величаем.

Яко крин, отче, сельный в рай воздержания процвел еси / и, яко кипарис, на высоту возвысился еси совершенства, / яко маслина, псаломски явился еси, / лица и сердца наша умащая елеем болезней твоих.

Столп ты, основанием добродетелей утверждаемь, тварь позна, / забрало непоколебимо, чудес источник, / пристанище благоутешное, врачеваний сокровище, приятелище Духа. / Тем твою днесь, Данииле, сотворяем память.

Солнца днесь нам возсия светлее, преподобне, Божественная память твоя, / верных сердца просвещающи светом правды, / мрак же отгоняющи душетленных страстей: / юже совершающе, благочестно воспеваем тя.

Богородичен: Пощади мя, Спасе, рождейся и сохранив Родшую Тя нетленну по рождестве, / егда сядеши судити дела моя, / беззакония презирая и грехи моя, яко безгрешен, / яко Бог, Милостив и Человеколюбец.

Светилен Октоиха.

Слава, святого.

Подобен: Свете Неизменный:

Твой подвиги столп вопиет гласы неглагольными, / страждуща безпокровно качества противны-

ми, / отонудуже, яко светильник светоносен, / просиял еси, отче, озаряя всю тварь.

И ныне, Богородичен:


Тя пѣсньми немолчными блажим, Дѣво, / яко от Троицы Единого родила еси, Богородице, / и носиши Божественными руками Пресущное Слово, невращно и неизменно.

На стиховне Октоиха.

Преподобный Даниил Столпник родился в селе Вифара, близ города Самосаты в Месопотамии. Мать его Марфа долго была бесплодной и в молитвах дала обет, если родится ребенок, посвятить его Господу. Молитва была услышана, и Марфа вскоре родила сына, который до 5 лет рос без имени. Родители мальчика хотели, чтобы рожденный по благоволению Божию также от Бога получил бы и имя. Они привели сына в находившийся поблизости монастырь и обратились к игумену. Игумен велел подать одну из Богослужбных книг и, наугад развернув ее, нашел в ней слова пророка Даниила (память 17 декабря). Так отрок получил имя. Родители просили, чтобы мальчик остался в монастыре, но игумен не принял его, так как тот был еще очень мал. В 12 лет, никому не говоря, отрок ушел из дома в монастырь.

Родители обрадовались, когда узнали, где находится сын, и пришли в монастырь. Увидев, что он еще ходит в мирской одежде, они умолили игумена постричь его в Ангельский чин. В воскресный день игумен исполнил их просьбу, но запретил им часто посещать сына. Братия обители удивлялась подвигам инока.

Однажды вместе с игуменом монастыря Даниил посетил святого Симеона Столпника (память 1 сентября), который предрек юному монаху, что и он понесет подвиг столпничества. Преподобный Даниил продолжил подвижническую жизнь в затворе. Когда в видении ему было указано место нового подвига, он удалился во Фракийскую пустыню вместе с двумя учениками, где они построили столп,



на котором преподобный Даниил провел 33 года. К столпу стекались люди, несчастные и больные, и все получали от преподобного Даниила помощь и исцеление. Молитв святого подвижника испрашивали византийские императоры. Из многочисленных предсказаний преподобного наиболее значительным было пророчество о сильном пожаре в Константинополе. Преподобный Даниил обладал еще и даром благодатного слова. Он наставлял многих на путь исправления жизни.

Преподобный преставился 80-ти лет († ок. 489—490).



**Преподобнаго Никона Сухаго,
в Ближних пещерах почивающаго**

Стихиры на Господи, воззвах: глас 4.

Подобен: Дал еси знамение:

Столпе терпения, / Никоне славне и Богоносне, / водруженне в любви Божией, / в нейже пребыл еси неподвижимь многими искушения, / тем ты славим, отче, / во днешний день память твою совершающе, / яко на Небеси славимаго от Иисуса Человеколюбца / и Спаса душ наших.

Огнем искушаемь и озобляемь всячески, / благодарственная возсылал еси, блаженне, Творцу и Богу, / тем, избавлься от руки нечестивых, / стал еси в церкви святей, / и ныне, предстоя в Церкви торжествующих, / да избавимся и мы от искушений, / моли Иисуса Человеколюбца и Спаса душ наших.

Огнь любви твоея, яже к Богу, / угаси огонь чувственный, / струй же кровей твоих потопиша мысленнаго врага полки, / и победил еси мучащих тя, преподобне, / тем и дарова тебе почестъ вышних чиновачалий Иисус Человеколюбец / и Спас душ наших.

Слава, глас 6:

Монахов множества / терпению твоему удивляются, / како, от неверных озобляемь, / огнем искушаемь и ножи ссекаемь, / вар и зной, глад и жажду терпя / и на Бога имея надежду спасения своего, / легко тесный путь прешел еси / и крайняго доспел еси блаженства. / Блажен еси, сиче Христови рабобав, / и приел еси мзду делания своего: / с Ангелы селение / и Божественнаго Света причастие. / Тем молим тя, Никоне преблаженне, / яко имея дерзновение ко Христу Богу, / мира испроси миру / и душам нашим велию милость.

И ныне, Богородичен или Крестобогородичен.

На стихóвне во Окто́ихе.

Сла́ва, глас 6:

Приидíte, Россíйстии христоролюбívии собóри / и иноческих ликóв совокуплénия, / приидíte благочéстно к святéй Пещéре, / похва́льныя пёсны любу́дренно в дар принесём / и поклонímся мо́щем Нíкона сла́внаго, / яко да его святýми моли́твами / при́йдем венéц неувяда́емя сла́вы / от Христа́ Бóга и Спáса душ нáших.

Тропа́рь, глас 8:

Бóга Благáго возлюбív, / иноческое при́ял еси жити́е / и, дóбре в нем подвизáвся, / пленён был еси пóловцы, / ýмиже мно́го мýчим, крепко-ду́шне Нíконе, / благода́тию Христо́вою свободíлся еси от них неvíдимо, / и ны́не во Свéте пребывáя непристýпнем, / моли́ спаст́ся нам, твою́ пáмять почита́ющим.

Канóн свято́му, глас 4.

Песнь 1

Ирмо́с: Воспою́ Тебе́, Го́споди Бóже мой, / яко извёл еси лю́ди из рабо́ты егíпетския, / покры́л же еси колесни́цы фараóновы и си́лу.

Воспéти ми всечестну́ю пáмять преподо́бнаго Твоего́ способствуй, Го́споди Бóже мой, / и песно-сло́вии почт́ити Нíкона сла́внаго, послí Паракли́та Пресвята́го, / да, бо́дростию препоя́сан, песнь Тебе́ принесу́, / пода́ющему всем си́лу.

Кто ты досто́йно восхва́лит, óтче блаже́ннейший, / от ю́ности возлюбívшаго Го́спода своего́ / и Тому́ во́льною нището́ю последова́вшаго да́же до сме́рти? / Тем ны́не, живы́й со А́нгелы, моли́ и нам посла́ти к терпéнию си́лу.

Тьму и мрак любостра́стнаго ми́ра / любо́вию ко Христу́ пыла́ющею непреткнове́нно прешéд / и свéтлости а́нгельскаго о́браза причéтся, áки вне плóти был еси, / сегó ра́ди поéши Пода́вшему ти си́лу.

Богоро́дичен: Тьму, ослепívшую страстьми́ мы́сленныя ми óчи, / молю́ся, прожени́, Чíстая Дéво: /

Ты бо еси светоприёмная свещá во тьме сущим, /
огнём возжжённая невещественным, / и наставля-
еши на разум Божественный поющих: / радуйся,
Светило Незаходимаго Света.

Песнь 3

Ирмос: Яко неплоды, роди от язык Церковь, / и
многое в чадах изнеможе сонмище, / чудному Богу
нашему возопийм: / Свят еси, Господи.

Яко неплоды радуется, приёмшая во утробе, /
такó веселится Печёрская гора, стяжавшая тя
светильника преподобным, / и с иноческими чинми
поёт: / Свят еси, Господи.

Первым отцем подражая, / радостию крест воз-
ложив на рамо, Никоне славне, / того великодушне
носил еси даже до смерти, / любви ради Господа
своего, / Емуже поёши ныне: / Свят еси, Господи.

Крепкия веры щитом вооружся, шел еси в плен,
преподобне, / и пленити хотящаго врага тамо в
развращение великодушием связал еси, наступив
ногою, / укрепляющему же тя Богу воспел еси: /
Свят еси, Господи.

Богородичен: Крепостию страстей востающего
на мя врага не могй одолети, / к Тебе прибегаю,
Мати Божия, помози ми, / Ты бо еси столп крепкий,
оружие на брани / и непреоборимая Воевода.

Седáлен, глас 8:

Ниву души своей хотя возделати, / крест, áки
ярём, вольнаго терпения возложил еси на ся, / и
сим, áки ралом, возделал еси неплодствующую
страстей землю, / сеяв слезами, метаящи семя
постнических трудов, / из нихже ныне радостныя
пожинаеши рукояти, предстоя Христу Богу, / Его-
же моли, Никоне славне, / яко присно сый молит-
венник о блажащих любовь святую память твою.

Слава, и ныне, Богородичен:

Радуйся, неоранная Ниво, возрастившая Клас
несейный, / из Негоже хлеб спасительный миру
сотворися, / сим напитай души любовь чтущих
непорочное зачатие Твое, Чистая Дево.

Песнь 4

Ирмос: *Любвѣ ради, Щедре, Твоего образа / на Крестѣ Твоем стал еси, / и растаяшася язъцы: / Ты бо еси, Человеколѹбче, / крепость моя и хвалѣние.*

Любовь твоя бысть, отче, крепка к Богу, / за Негоже страдати от неверных желая, / никакоже искуплен быти восхотел еси, / возлюбившаго тя Господа / и, на Того надеяся, взывал еси: / Свят еси, Господи.

Наказание Господне прием любезно, / сладце искушение болезней прешел еси, блаженне, глаголя с Давидом: / блажен человек, егоже накажеша, Господи, тем и зову Ти: / слава силе Твоей, Господи.

На будущая взирая, / настоящая болезни ни во что же вменил еси, Никоне чудне, / аще и огонь, и мраз, и железо приразишася тебе, / но вся сия истаеваху, / ты же, аки адамант крепкий, пребыл, рекый: / Свят еси, Господи.

Богородичен: *На* будущая не взирая, прильпе земли душа моя / и уподобихся скотом несмысленным, / но Ты, Чистая Дево, отверзи ми мысленныя очи / и удивь милость Твою на мне, да, разумѣя, вопию: / святая еси и дивна в правду.

Песнь 5

Ирмос: *Ты, Господи, мой Свет, / в мир пришел еси, / Свет Святыи, обращаи из мрачна невѣдения / верою воспевающия Тя.*

Ты, отче, всячески от неверных озлобляемь, нерадил еси о сем, / но, благодарственная возсылая Богу, глаголал еси: / спаси мя, Боже, / яко внидоша воды до души моея, / Ты бо Един еси, изводиай окованныя мужеством, верою воспевающия Тя.

Терпение твоѣ, преблаженне, смутѣ пленившаго тя половчанина, / сего ради три лета пребысть, муча тя на всяк день, / озлобляючи глѣдом, жаждою, студению и варом, / но ты, святе, надежду имѣл на Бога, / яко Той избавляет верою воспевающия Его.

Струй кровей твоих, подрезания листьев и иных мук видя, / враг мысленный наусті половчанина, / иже слыша имущее тебе быти свобождение свыше, / тяжкия вериги возложити на тя, / но ты, отче, псаломски зывал еси: / Бже, в помощь мою вонми, / Ты бо Един еси, спасаая верою воспевающия Тя.

Богородичен: Струями помощи Твоея, Богоневестная Дво, / потопа невидимыя враги, влекущия веригами страстей душу мою во адову пропасть, / да, свободь сый от сих, вопию Ти: / радуйся, Море, потопившее мысленнаго фараона.

Песнь 6

Ирмос: Возопи, прообразуя погребение тридневное, / пророк Иона, в ките моляся: / от тли избави мя, Иисусе, Царю сил.

Железо скорбей пронзаше душу твою, Никоне славне, / дондеже Евстратий мученик даде извещение свобождения, посланнаго ти вскоре от Бога, / к Немуже зывал еси: / на Тя, Господи, уповах, / правдою Твоею избави мя, Иисусе, Царю сил.

Яко Аввакума, невидимо восхити тя Вышняго десница, / стрегущи же тя удивилася, глас свыше слышаще, / и постыдешася, неведуще Бога, / яко Той Един есть Царь сил.

Богородичен: Избавительнице крепкая, / избави мя от рук сопротивных, / се бо понрет глава моя в пропасть и не изыду от адовых заклеп вечных, / аще не Ты ми даси помощь, сущи Мати Царя сил.

Кондак, глас 6:

Первомученику подобяся, / о мучителе твоём молился еси / и, избавив того от смерти, привел еси ко Христу, / преподобномучениче Никоне славне, / темже, с первострадальцем зря Христа одесную Отца, / молися о нас, да не пребудем вне чертога Христова.

Песнь 7

Ирмос: Авраамстии иногда в Вавилоне отроцы / пещный пламень попраша, / песнями зывающе: / отец наших Бже, благословен еси.

Страшнаго общенія Таин времени сущу в церкви, / сілою Божіею восхищен от плена, / стал еси среди брѣтїи, Никоне славне / и вси, узрѣвше ўзы твоѣ и кровь, каплющую от листьев, / воздѣша рѹце о свободженїи твоём, глаголюще: / Боже, благословен еси.

Иже первее имѣ тя, отче, в плене, / се той последї узрѣв тя свободна десницею Вышняго среди брѣтїи, / умилился и крестився, пленї себе в послушанїе Христово, зовїи: / Боже, благословен еси.

Блаженни пленницы, имѹще тя сплѣнника, мудре, / тобою бо от недѹга свободѣни, от рук нечестивых избегѡша, / и исполнися реченное в Писанїи: / много может молитва праведнаго спешествѹема.

Богородичен: Пленен сый от врагов мѣсленных / и связан верїгами страстей от лютаго велиара, / к Тебе вопїю, Неискусобрачная Мати: / исхити мя от сих, да, свободь сый, воззовѹ: / радуйся, Рѡждшая Свободителя плененным.

Песнь 8

Ирмос: Избавителю всех, Всесильне, / посреде пламене благочествовавши, / снизшед, оросил еси / и научил еси пѣти: / вся делѣ, благословите, пойте Господа.

Избавителя всех и Спаса своего носїи незлобие, / не убойлся еси, отче, мучителя, распяти ты хотѣща, / но, благим за злое воздавѣя, исцелил еси его, в болѣзни лежаща, / да и той, обращся, благословит Господа, и превозносит во веки.

В скудельном тела твоего сосуде, / коль многое чтем быти сокровище чудотворенїя, блаженне, / и славим Небеснаго Отца, давшаго ти сицевѣя на пользу нашу, / сим и нас исправи, молим тя, / да тобою преславная Дѣющаго воспоем и превозносим во веки.

Стал еси противу миру и плоти / и, обоѣ связав, покорил еси дѹху, / темже, к Вышнему миру возшед, / радуешься, и со Ангелы поѣши, / и превозносиши Господа во веки.

Богородичен: Предстани нам в по́мощь, скоро призыва́ющим Тя, Пречы́стая Дѣво, / и укрепи ны, противу міра и плóти на дýха похотствую́щия, / се бо приводим Ти Никона сла́внаго в моли́тву, / е́гоже ра́ди даждь нам во Свѣте святы́х превозноси́ти Тя во ве́ки.

Песнь 9

Ирмос: *Е́ва у́бо недúгом преслуша́ния / кля́тву вселила е́сть; / Ты же, Дѣво Богородице, / прозябѣнием чревоноше́ния мірови Благослове́ние процвела е́си. / Тем Тя всѣ велича́ем.*

Е́вин недúг в душі́ своей исцелити хотя́ще, / собра́ся полк доблемúдрых оте́ц на горѣ Печѣрстей, / от нѣхже Никон сла́вный, яко звезда́, просия́ / и луча́ми своих моли́тв просвещает нас, / те́мже е́го велича́ем.

Свѣтом мы́сленным озари́лся еси, / иже пѣрвее отверже́нием страсте́й отврати́л еси о́чи твой не видети суе́ты, / те́мже Поста́вльшаго рабу́ Своему́ сло́во Своѣ в страх Свой Христа́ велича́ем.

Дѣвна дела́ Твоя, Несозда́нная Троице, / и сла́вишися во святы́х Своих, Бо́же Изра́илев, / мольба́ми уго́дника Твоего́ Никона удиви́ и на нас благодать Твою, / отвраще́нием от дел неподобных, да Тя вѣ́ну велича́ем.

Богородичен: Дѣвна дела́ смотре́ния Своего́ сотвори́ на Тебѣ Вѣ́шней, Безневѣ́стная Дѣво, / и велича́ют Тя, блажа́ще от ро́да в род, вся земноро́дных колѣна; / мольба́ми преподобных Печѣрских даждь нам, / да и мы Тя во веки велича́ем.

Свети́лен:

Воздержани́ем крѣпким и муче́нием от неvéрных / блюду́щаго пяты́ твоея́ змѣя убил еси, о́тче, / по кончи́не своей венѣц сугубый до́блестей твоих прия́л еси, / и ны́не, живы́й на Небеси́, / яко преподобным сла́ва и мучеником сы́й похвала́, / моли́ся о нас, да и мы прича́стницы сла́вы твоея́ бу́дем, Никоне му́дре.

Слава, и ны́не, Богородичен:

Невоздержани́ем во тьму всельши́йся род наш / Рождество́м Твоим привѣдшая к Свѣту, / нас

невоздержания избави / и к свету заповедей Сына
Твоего настави, да поем Ти, Богородице: / радуйся,
воздержания неувядаемый венец.

На стиховне слава, глас 5:

Земнаго Ангела и Небеснаго гражданина, / пре-
подобным равностоятеля, / Никона славнаго, при-
идите, людие, ублажим: / той бо сугубыми страда-
нии подвизася / и, подвигом своим прием сугубыя
венцы, / предстоит Христу Богу, / непрестанно
моля за град и обитель сию, / во еже получитьи ей
велию милость.

И ныне, Богородичен или Крестобогородичен по гласу.

Преподобный Никон Сухой, сын богатых и знатных родителей, жил в конце XI — начале XII веков в Киеве. Оставив всё Христа ради, он принял иночество в Киево-Печерском монастыре.

В 1096 году, при нашествии половецкого хана Боняка, он вместе с другими иноками был взят в плен. Родственники хотели выкупить его, но он отказался, так как верил, что если угодно будет Господу, то Он освободит его. Хозяин, лишившись надежды на получение выкупных денег, затаил злобу на святого. Три года он жестоко обращался с преподобным Никоном: подрезал ему на ногах сухожилия, морил голодом, выгонял зимой на мороз, а летом держал под палящим солнцем, приставил к нему стражу. Но преподобный Никон с великим терпением переносил все невзгоды. Тогда Господь послал ему дар чудотворений: своей молитвой преподобный Никон исцелял других пленников, а однажды исцелил и своего хозяина, лежавшего на смертном одре.

По молитвам преподобных Антония (†1073; память 10 июля и 28 сентября) и Феодосия (†1074; память 3 мая и 14 августа) Печерских Господь даровал ему чудесное избавление из плена, накануне которого святому страдальцу явился преподобномученик Евстратий Печерский (†1097; память 28 марта) и предсказал скорое освобождение. На третий день после такого предсказания, в

шестом часу дня, на глазах стражников преподобный Никон стал невидимым, только был слышен голос, воспевающий: «Хвалите Господа с Небес».

Блаженный узник оказался в Печерском монастыре, в церкви Пресвятой Богородицы, где совершалась Божественная литургия. Израненный и в кандалах, святой угодник хотел из смирения скрыть дивное чудо своего избавления, но игумен и братия упросили поведать всё ради славы Божией. Игумен повелел святому снять кандалы, когда тот хотел продолжать свои мученические подвиги.

Святой Никон именуется «сухим», потому что высох от голода и других мучений за годы пребывания в плену. Однако он отличался необыкновенной силой духа и усердием к молитве, благодаря чему совершил много Богоугодных дел. Душа его удостоилась «наследия нетленного, чистого, неувядаемого, хранящегося на Небесах» (1 Пет. 1, 4). Святая Церковь призывает верующих обращаться к Печерскому чудотворцу во время тяжелых испытаний и скорбей, ибо преподобный Никон, именуемый также «столпом терпения», помогает своими молитвами всем бедствующим православным христианам, особенно находящимся в плену.

Скончался преподобный Никон в середине XII века и был погребен в Ближних пещерах. Память его празднуется также 28 сентября и во 2-ю Неделю Великого поста.



Недѣля святыхъ праотцевъ

На Господи, возвахъ: стихиры воскресны, и восточны 3, Анатоліевы, и праотцевъ на 4, глас 8.

Подобен: Иже во Едеме:

Праотцевъ днесъ, вѣрнии, совершающе пѣмать, / воспоимъ Христа Избавителя, / возвеличившаго ихъ во всехъ языцехъ / и чудесъ преславная вѣрно совершившаго Господа, / яко державна и сильна, / и отъ нихъ показавша жезлъ силы намъ — / Единую Неискусомужную и Богоотроковицу Марію Чистую, / изъ Неяже цветъ прійде — Христосъ, / израстившій всемъ жизнь, / и неизживаемую пищу, и спасеніе вѣчное.

Иже святія отроки изъ огня избавившій, Владыко, / и отъ устъ львовыхъ Даниїла, / благословившій Авраама, и Исаака, раба Твоего, / и сего сына Иакова, / благоволившій отъ семени ихъ быти по намъ, / да прежде поползнувшіи спасеши праотцы наша / Крестомъ Твоимъ и Воскресеніемъ / и, расторгнувъ смѣртныя узы, совозставиши вся, / яже отъ вѣка сущія въ мѣртвыхъ, / поклоняющія Тебѣ, Христѣ, Царю вѣковъ.

Якоже въ хладѣ, посреде пламене / росію Духа, радуящеся, отроцы Божіи хождѣху, / таинственно въ немъ прообразивше Троицу / и воплощеніе Христова, / и, яко мудрии, вѣрою угасиша силу огненную, / и Даниїлъ же праведный левъ явися обуздатель; / ихъже молитвами умоленъ бывъ, Человколѣбче Спасе, / и насъ негасимаго вѣчнаго избави огня / и сподоби ны Царствія Твоего, Господи.

Якоже въ росѣ сущи, / вѣрнии и святіи отроцы Твой / въ пещи пламене огненнаго предживописаху таинственно / еже изъ Дѣвы Твоей пришествіе, / неопально возсиявшее намъ, / и Даниїлъ же праведный и во пророцехъ чудный, / ясно Божественное второе Твое пришествіе проявляя, / видѣхъ, дондеже престолы поставишася, — глаголетъ, / — и Судія сѣде, и огненная потече река, / еже да избавимся, Христѣ, молитвами ихъ, Владыко.

Слава, глас 6. Анатолиево:

Иже прежде закона / отцы вся восхвалим днесь, вернии, / Авраама Боголюбиваго, / и Исаака, от обещания рожденнаго, / и Иакова, и дванадесять патриархи, / Давида кротчайшаго, / и Даниила, желаний пророка, / и три отроки с ними славяще, / пещь в росу преложившия, / просяще оставления от Христа Бога, / прославляемаго во святых Своих.

И ныне, Богородичен первый гласа.

На литии стихира храма.

Слава, глас 1:

Лучами облиставшися Богоглаголения, / великоименитии пророцы присно блажятся / и, речения Духа плодствующе, / несказанное рождество Христа Бога всем проповедаша; / законно же кончину совершивша, / поживше жизнь пречудную.

И ныне, Богородичен: Се, исполнися Исаиино проречение:

Стиховна воскресна.

Слава, глас 3. Германово:

Праотцев собор, празднлюбцы, / приидите, псаломски да восхвалим: Адама праотца, Еноха, Ноя, Мелхиседека, / Авраама, Исаака и Иакова, / по закону Моисея, и Аарона, / Иисуса, Самуила и Давида, / с нимиже Исаию, Иеремию, Иезекииля, / и Даниила, и дванадесять, / купно Илию, Елиссеея и вся, / Захарию, и Крестителя, и проповедавшия Христа, / жизнь и воскресение рода нашего.

И ныне, Богородичен: Без семене:

Тропарь, воскресен.

Слава, и ныне, праотцем, глас 2:

Верую праотцы оправдал еси, / от язык теми предобручивый Церковь: / хвалятся в славе святии, / яко от семене их есть Плод благославен, / без семене Рождшая Тя. / Тех молитвами, Христе Боже, помилуй нас.

НА УТРЕНИ

На Бог Господь: тропарь воскресен дважды. Слава, и ныне, праотцем. По обоих кафизмах седальны воскресны, с Богородичны их. По полиелен ипакой гласа.

И седален праотцев, глас 8.

Подобен: Премудрости:

Авраама, Исаака же и Иакова восхвалим вси песенно, / Давида краткаго, Иисуса и дванадесять патриархи / купно с тремя юношами, угасившими огненный пламень силою духовною, / радуйтесь,—вопиюще к ним,—прелесть доблественне обличивше царя безумнаго, / и Христу молитесь / согрешений оставление даровати празднующим любовью святую память вашу. *Дважды.*

Слава, и ныне, Богородичен:

Благодарственное похваление должно, / якоже вдовица оная два лепта, / приношу Тебе, Владычице, о всех дарованиях Твоих: / Ты бо явилася еси покров, купно и помощь, / напастей и скорбей присно мя изымаючи. / Темже, яко от среды горящих печи, избавлься оскорбляющих мя, / от сердца взываю Тебе: / Богородице, помози ми, / молящи Христа Бога согрешений оставление дати мне, / Ты бо имео надежду, раб Твой.

Каноны три: воскресен на 4, и святых трех отроков на 4, и праотцев на 6. Канон святых трех отроков, глас 8, егоже краегранесие: Три отроки пою и Даниила великаго. Феофаново.

Песнь 1

Ирмос: Воду прошед, яко сушу, / и египетскаго зла избежав, / израильтянин вопияше: / Избавителю и Богу нашему поим.

Безначальное Слово, / из Отца прежде всех веков рожденно боголепно, / в пещи юношам образно видено бывшее, прославим.

Глаголы мучителя злочестиваго / благороднии отроцы оплевавше терпеливно, / снѣдьми беззаконных осквернитися халдейски не восхотѣша.

Пита́стеся у́бо сло́вом душе́вне, / снѣдьми же самора́сленными плóтски, / па́че пита́ющихся де́белыми снѣдьми, / царю́ красне́йшии ли́цы яви́стеся.

Богорóдичен: Яд зми́ин, в слухи го́рько излия́вшийся Е́вины, / я́же из Дави́да возра́стшая, Отрокови́це, исцеля́еши, / **Изба́вителя** ро́ждши.

Ин канóн святых праотцев, глас 1, егóже краегранесие: Отце́м хвалу́ в ле́поту ны́не приноша́ю. **Иóсиф.**

Песнь 1

Ирмо́с: Хри́сто́с ражда́ется — сла́вите! / Хри́сто́с с Небе́с — сря́щите! / Хри́сто́с на землі́ — возно́ситеся! / По́йте Го́сподеви, вся земля́, / и весели́ем воспойте, лю́дие, / я́ко просла́вился.

Отце́м пѣние принесѣм, прѣжде за́кона и в за́конѣ возсия́вшим, / и из Дѣвы возсия́вшему Го́споду и Влады́це во́лею пра́вою угоди́вшим, / и незаходи́мага просвещѣния ны́не наслажда́ющимся.

Ада́ма пѣрваго почтѣм, руко́ю почтѣннаго Зижди́теля, / и всех нас пра́отца уже́ бѣвшаго, / и в ски́ниях Небе́сных со все́ми избра́нными почива́юща.

А́веля, да́ры принѣсшаго душе́ю благородне́йшею, / при́ят всех Бог и Го́сподь; / сегó же па́ки, скверноубийственною руко́ю умерщвлѣна, / принесе́ к свѣту я́ко Божѣственна мученика.

Богорóдичен: Рече́ний Божѣственных услы́шим, вопи́ющих Хри́сто́во явлѣние: / се бо в верте́пе ражда́ется из Отрокови́цы Неискусому́жняя, / Егóже стра́шное Рождество́ провозвещает звездо́словцем звезда́ явльшаяся.

Катава́сия: Хри́сто́с ражда́ется — сла́вите:

Песнь 3

Ирмо́с: Ты еси́ утвержде́ние / притека́ющих к Тебе́, Го́споди, / Ты еси́ Свет омраче́нных, / и поёт Тя дух мой.

Ра́зум стяжавше Богонау́ченный, Влады́ко, отро́цы Дави́довы / за́коны оте́ческаго богому́дренно соблюдо́ша.

Огнь не опали чистейшая телеса благочестивых: / постом бо душепитательным напаяхуся.

Хвалу всемирную и многопетую поют отроцы трие, / посреде печи чудно орошаеми.

Богородичен: Да рождество, Владыко, из девствующаго телесе покажеша нам, / спасаеши в пещи девствующая телеса.

Ин

Ирмос: Пржеде век от Отца рожденному нетленно Сыну / и в последняя от Девы / воплощенному безсеменно, / Христу Богу возопийм: / вознесый рог наш, / Свят еси, Господи.

Поется в мире Сифово к Зиждителю разжжение, / ибо в непорочнем жителстве и душевной любви Тому истинно угоди, / и ныне во стране живых вопиет: / Свят еси, Господи.

Усты, и языком, и сердцем Енос чудный / призвати богомудрено Владыку всех и Бога надеяшеса в Дусе / и, благоугодно пожив на земли, славу восприят.

Священнословии священными Еноха ублажим, / благоугодив бо Господу, преставися в славе, / явився лучши смерти, якоже писася, / имже Божий быв раб искреннейший.

Богородичен: Ныне чаяние языков от Девы предгрядет, / и Вифлеем заключенный отверзает светло Едема, / Слово воплощаемое приемля, и в яслех плотию возлегшаго.

Катавасия: Пржеде век:

И ипакои, глас 2:

В росу детем огонь предлагашеся, / плач в радость женам переменяшеся: / Ангел бо во обоих служаше чудесех, / овим убо во упокоение претворивый пещь, / сим же Воскресение возвестивый тридневное. / Начальниче жизни нашея, Господи, слава Тебе.

Песнь 4

Ирмос: Услышах, Господи, / смотрения Твоего таинство, / разумех дела Твоя / и прославих Твое Божество.

Даниїл мудрѣйшій, Божественне умомъ просвещаемъ, / сонія разреши самодержцевъ Божественною благодатию.

Облистаетъ чудесми, еже в пещи, отроковъ страданіе: / мучителя бо уловиша к познанию Твоему, Весильне.

Согласія органы и мусикии пѣсни / вселичныя доблественныхъ не привлекѡша / и златому образу не подклонѡша.

Богородичен: Пѣсньми, Всепѣтая, / иже в Вавилоне дѣти почитаютъ Сына Твоего Пребожественнаго, / Егоже в пещи познаша.

Ин

Ирмос: Жезл из корене Иессеова / и цвет от него, Христѣ, / от Дѣвы прозябл еси, / из горы, Хвальный, приосененныя чащи / пришѣл еси, воплощся от Неискусомужныя, / Невещественный и Бѡже. / Слава силе Твоей, Господи.

Хвалу принесемъ Бѡгу, / чтуще пѣсньми Нѡя, войстинну суща праведнаго: / во всехъ бо заповѣдехъ Божественныхъ украшаемъ явѡся, Христу благоугодивъ, / Емуже песнопоемъ, вернии: / слава силе Твоей, Господи.

Видевъ твоѣ Богъ благородное нрава, и простое, / и по всему, Нѡе, совершена, втораго міра яве началовождя ты показуѣтъ, / спасшаго тому всякаго рода от потопа чувственнаго семя, / якоже Самъ повелѣ.

Нѡя, сохранншаго Бѡжий законъ невредимъ, / и обрѣтшася тогда праведна в родѣ своемъ, / и дрѣвянымъ спасша дрѣвле ковчѣгомъ безсловесныхъ роды повелѣниемъ Вседѣтельнымъ, / пѣсньми благочестно ублажимъ.

Вино умиленія намъ точитъ, / чтущимъ тя, Нѡе блаженне, пѡмѡть твоѡя, / веселящее и дѡуши, и сердца всегда / чистѣ блажащихъ нравы твоѡ честныя и жительство Божественное.

Богородичен: Ныне Избавленіе наше в яслехъ возлегаетъ / и пеленами повивается, якоже Младенецъ. / И волсви, восточнии царие, приходятъ / Сего

яко Бóга и Царя рóждшагося от Чíстыя, вíдети / и поклонíтся с дáры вёрно.

Катавасия: *Жезл из корене Иессеова:*

Песнь 5

Ирмос: *Вскую мя отринул еси / от лица Твоего, Свете Незаходимый, / и покрыла мя есть чуждая тьма, окайннаго; / но обрати мя и к свету заповедей Твоих / пути моя направи, молюся.*

Научившися закону, Спасе, / не отвергóшася Твой угóдницы, / Даниил великий с тремí юношами Богомúдрыми, / но, крепость приёмше от Тебé, Благодéтеля, / мучители мúжески победíша.

Мысленно научáшеся Даниил, Человеколюбче, Твоим тайнам: / на óблаце бо яко Сына Тя Челове́ча грядúща, / языков всех яко Судию и Царя зряше умá чистотою.

Украсíся, о дéти! пáче камене сапфи́ра ва́ше совокуплéние, / яко заря́ златая, благочéстия ревностию распáльшеся, / ходяще радóстно в пещи́ и собирающе ликовáние всемирное.

Богородичен: Даниил Тя, Дéво, гóру прописá я́ве Божéственный, / триé же óтроцы, вíдевшие пла́мень ороша́ющ, / Твоé Божéственное Рождество́ песнопéсненно восхваля́ют / яко Спáса, и Зиждíтеля, и Гóспода.

Ин

Ирмос: *Бог Сый мира, Отец щедрот, / Великаго Совета Твоего Ангела, / мир подава́юща, послáл еси́ нам; / тем, Богоразумия к свету наста́вльшеся, / от но́щи úтренююще, / славослóвим Тя, Человеколюбче.*

Хвалáми Божéственными да почтíтся Сим, / отéческое благословéние приплодív, / и, пред Бóгом благоугóден я́влься, / к праотеческим ликом причтéся, / и во странé живых радóстно почивáет.

Вíдети сподóбися яко друг Бóжий Авраáм день Зиждíтеля своего́ / и исполнь бывáет радóсти духовныя; / сегó úбо, умá правостию чтúще, ублажím вси, / яко Христóва Божéственна праотца.

Видел еси, якоже есть мощно человеку видети, Троицу / и Тую угостил еси, яко друг присный, преблаженне Аврааме; / темже мзду приял еси страннаго гощения, / еже быти тебе безчисленных языков отцу верою.

Богородичен: Полный истощается плотию нас ради, / и начало Безначальный приемлет; / обнищевает же Богатый, / и Слово — Сый Бог — в яслех безсловесных возлежит, яко Младенец, / воззвание всех сущих от века соделовая.

Катавасия: Бог Сый мира:

Песнь 6

Ирмос: Бездна грехов и прегрешений буря мя смущает / и во глубину нужднаго реет мя отчаяния, / но Твою крепкую руку мне простри, яко Петрови, / о Управителю! и спаси.

Обладавшие душевными страстьми силою слова, / страны язык халдейских владычицы бысте, / весть бо добродетель честь даровати стяжавшим ю, / о Давидовы мудрии внуцы!

В мертвость Даниил живоносную одеявися древле, / яко Бога, халдеем злочестивно мнимаго, / убивает седию змия злейшаго. / Священники же злочестивыя мудре убил есть.

Богородичен: Милостива ми Судию, Сына Твоего, Богородице Дево, / Твоими молитвами быти в день Суда / Избавителя же лютых, Мати, умоли: / на Тя бо едину надежду мою возлагаю.

Ин

Ирмос: Из утробы Иону младенца изbleва морской зверь, / якова прият; / в Деву же всельшееся Слово / и плоть приемшее пройде, сохраншее нетленну: / Егоже бо не пострада истления, / Рождшую сохрани неврежденну.

Образ Христовы смерти был еси яве, Исааче преблаженне, / возводимь отчим благопокорением, еже закалаться. / Сего ради ублажился еси и раб Божий воистинну явился еси ближний, / со всеми праведными вселяясь.

Явился Иаков угодник, вернейший всех Бога; / темже и брася со Ангелом, ум зря Бога наречеся /

и, спя, Божественную лѣствицу ви́де, / на нейже Бог утвержда́шеся, плóтию обложивыйся за благостыню.

Любя́ Иосиф ко отцу́ благопокорѣние, / в ров ввѣржен, продадѣся / во образ закланнаго и в рове положеннаго Христа; / пшеницодавец же Египта бысть, целомудр быв и праведен, / царь же страстей истиннейший.

Богородичен: Младо на земли Отроча познава́ется, / Сый со Отцем присно и Духом, / пеленами же повива́ется, Иже зѣмлю повивая́я мглою я́ве, / и в яслех безсловесных возлежит. / Сего́ ныне предпразднуем, радующеся, безсеменное рождество́.

Катавасія: Из утробы Иону:

Конда́к, глас 6

Рукописаннаго образа не почитше, / но Неописанным Существом защитившеся, треблаженнии, / в подвиге огня прославились, / среде же пламене нестерпимаго стояще, Бога призвасте: / ускори́, о Щедрый, и потщися, яко Милостив, в помощь нашу, / яко можеша хотѣй.

И́кос:

Простри́ Твою́ руку, / еюже древле прияша искушение египтяне борюции и евреѣ боримии. / Не остави нас, да не пожрет нас смерть, жаждущая нас, / и сатана́, ненавидя́я нас, / но приближися нам и пощадѣ́ души наша, / якоже пощадѣ́л еси́ иногда́ отроки Твоя́, / сущия в Вавилоне, непрестанно славящия Тя, / и вверженныя Тебѣ ради в пещь, / и от сея вопиющия Ти: / ускори́, Щедрый, и потщися, яко Милостив, на помощь нашу, / яко можеша хотѣй.

Песнь 7

Ирмос: Отроцы Богочестивии в Вавилоне / образу златому не поклоня́шася, / но посреде́ пещи огненныя, ороша́еми, / песнь воспева́ху, глаголюще: / превозносимый отцев и нас Бóже, благословен еси́.

Глас Боголюбезен пояшеся из среды́ огня Вседержителю, / Азария бо, Божественный лик соста́-

вив, / песнь воспевая, глаголаше: / благословен Бог отец наших.

Цевница юношей богословствует всех Бога и Вседержителя, / тем в пещи ясно являшагося, / и песнь воспеваху, глаголюще: / благословен Бог отец наших.

Три, в пещь вверженныя, видев царь, / яко узре четвертаго вид, / Сына пронарече Божия и всем возопи: / благословен Бог отец наших.

Богородичен: Имѣя просвещен Божественною зарею ум, Данииле Богоблаженне, / Девы рождество яве предвидел еси, таинственными образы образуемо, / благословен,— вопия,— Боже отец наших.

Ин

Ирмос: Отроцы, благочестию совоспитани, / злочестиваго веления небрегше, / огненнаго прещенія не убояшася, / но, посреди пламене стояще, пояху: / отцев Боже, благословен еси.

Да воспоется Анания, Азария, Мисаил с Даниилом, / пещь угасивше огненную, и львов обуздавшие стремления, / и Христу согласно поюще: / отцев Боже, благословен еси.

Законно пострадав в напастех и неослабных скорбех, / угонник наречеся Иов Божий всеистиннейший, / кроток, незлобив, прав, совершен, непорочен, вопия: / отцев Боже, благословен еси.

Верую Моисея, Аарона же и Ора почтим, / восхваляюще Иисуса и Левию священнейшаго, / Гедеона же и Сампсона, и взываем: / отцев Боже, благословен еси.

Богородичен: Се, якоже прорече пророк, / во чреве зачат Неискусобрачная Бога / и родити яве идет в вертепе Вифлеемле. / Ему же вси поем: / отцев Боже, благословен еси.

Катавасия: Отроцы благочестию совоспитани:

Песнь 8

Ирмос: Седмерицею пещь / халдейский мучитель / Богочестивым неистовно разжже, / силу же лучшею спасены, сия виде, / Творцу и Избавителю вопияше: / отроцы, благословите, /

священницы, воспойте, / лю́дие, превозносите во вся ве́ки.

Авраáмово благоро́дие сохра́нити тща́шеся, / сво́йственное к нему́ стяжа́сте основа́ние ве́ры и наде́жды, преподо́бнии, / терпе́ние и напáстем пожда́ние, вопи́юще: / благослови́те, священницы, Влады́ку, / лю́дие, превозносите Егó во ве́ки.

Яко свети́ла просия́вше, и зе́млю онебеси́вше, / и благоче́стия просвеще́нием осия́вшеся, / всеми́рное соста́вльше ликостоя́ние, пою́т от напáстей спа́сшему Влады́ще: / о́троцы, благослови́те, священницы, воспойте, / лю́дие, превозносите во вся ве́ки.

Юношески погаси́вше распали́мую пещь / и львов че́люсти загра́ждше, Дави́довы вну́цы, / ны́не ра́дующеся, пою́т Тя, Благоде́теля, Царя́ всех: / о́троцы, благослови́те, священницы, воспойте, / лю́дие, превозносите во вся ве́ки.

Богоро́дичен: Тайнонауча́ет, Пречи́стая, Дани́ил мудре́йший, / и предживопису́ют о́троцы три́е Рожде́ство Твое́, Богому́дреннии, / о́бразы зря́ще из утробы́ Твоея́ Проше́дшаго несказáнно; / Егóже де́ти благословя́т, священницы воспева́ют, / лю́дие превозно́сят во вся ве́ки.

Ин

Ирмо́с: Чу́да преесте́ственного / росода́тельная изобрази́ пещь о́браз: / не бо, я́же прия́т, пали́т ю́ныя, / я́ко ниже́ огонь Божества́ — Де́вы, / в Ню́же вни́де утробу́. / Тем, воспева́юще, воспоём: / да благослови́т тварь вся Го́спода / и превозно́сит во вся ве́ки.

Днесь су́щих от ве́ка Боже́ственную па́мять соверша́ем честны́х оте́ц, / Ада́ма, А́веля же, Си́фа, и Но́я, / и Ено́са, и Ено́ха, и Авра́ама, / Мелхиседе́ка и Йо́ва, Иса́ака и ве́рнаго Иа́кова, / да благослови́т тварь, вопи́юще, Го́спода / и превозно́сит во вся ве́ки.

Полк Богокра́сный Боже́ственных оте́ц да восхва́лим, / Вара́ка, и Нафа́на, и Елеза́ра, / Иоси́ю и Дави́да, Иеффая́, Самуи́ла же, / прѣдняя зря́ща

чѣстне и взывающа:/ да благословитъ тварь вся Гóспода/ и превозноситъ Егó во вѣки.

Похвалу песнопѣсенно да принесемъ Бóжиимъ пророкомъ,/ восхваляюще Иосію и Михея, Софонія и Аввакума,/ Захарію и Іону, Аггея же и Амóса/ и со Авдіемъ Малахію и Наума,/ Исáию, и Иеремію, и Иезекиіля,/ кúпно Даниіла, Илию и Елиссѣя.

Глаголы Трóическими Всесвятую воспоемъ, вѣрнии, Трóицу,/ Отца Безначальнаго, Сына же и Праваго Дúха Святаго—Едíницу Триипостáсную,/ Юже всякое дыхáние слáвитъ, зовúще:/ да благословитъ тварь вся Гóспода/ и превозноситъ во вся вѣки.

Богорóдичен: Явился еси отъ дѣвственныхъ, Христѣ, кровей,/ воплощаемъ неизреченнымъ слóвомъ/ и яко Младенецъ совершенъ въ вертѣпѣ премножествомъ благоутрѣбїя, Исýсе, раждааяся;/ звезда же Ты издалеча возвести звездослóвцемъ,/ пойте, вѣрою зовúщимъ, и превозносите Христá во вѣки.

Катавасія: Чúда преестественнаго:

Песнь 9

Ирмосъ: Воистинну Богорóдицу,/ Ты исповѣдуемъ,/ спасеннии Тобóю, Дѣво Чíстая,/ с Безплóтными лики Ты величающе.

Достигóсте кончину желáемую/ и желáний Крайнейшему предстоитѣ въ Небесныхъ чертóзехъ,/ óтроцы всеблаженнии.

Рáдующеся, рукоятіе, еже отъ слезъ, дóбраго вáшего земледѣлания приясте,/ нетлѣния класъ плодоносívше.

Возсия свѣтлость нынѣ вамъ достóйно,/ и веселіе сѣрдца процветѣ:/ отонúдуже бо отбежѣ печáль, вселістеся.

Богорóдичен: Пáжить смѣртную устáвила еси, Дѣво,/ Жизнодáвца рóждши и Гóспода,/ животворящаго вѣрою величающия Тя.

Ин

Ирмосъ: Тáинство странное вѣжу и преслáвное:/ Небо—вертѣпъ, престóлъ Херувімскій—Дѣву,/ ясли—вместілище,/ в нѣхже возлежѣ Невместі-

мый—Христос Бог,/ Егѡже, воспевающе, величаем.

Крепостию Твоею древле силы сотвориша дщери, Господи,/ Анна, и Иудиф, и Девора, Олда, Иайль же,/ Есфирь, Сарра, Мариам же Моисеева,/ Рахиль, и Ревекка, и Руфь, велемудрыя.

Яко угасившия отроки святыя пещь священно почтим/ купно с Данийлом пророком и всеми праведными яве,/ прежде закона облиставшими добре/ и в законе Владыце угодившими.

Премудрии Божественнии пророцы бывше Авраамовы внуцы,/ Еже от Авраама и Иуды рождшееся Слово Божие провозвестиша Духом,/ тех мольбами, Иисусе, вся ущедри.

Освятися вся тварь памятью вашею/ и, торжествуящи, зовёт, рабски вопиючи:/ мольбу Господу присно принесите, блаженнии,/ улучити вечных благ благохвляющим вас.

Богородичен: Облекийся в мя, от Девы предгрядёт,/ и в вертепе раждается Слово Отчее неслитно:/ ликуй, тварь, гласы благодарственными величаючи/ Того еже за милосердие всесвятѡе низшествие.

Катавасия: Таинство странное:

Светилен воскресен. Слава, праотцев.

Подобен: Жены, услышите:

Адама восхвалим,/ Авеля, Сифа и Еноса, Еноха и Ноя,/ Авраама, Исаака и Иакова,/ Моисея, Иова и Аарона, Елеазара и Иисуса,/ Варака, Сампсона и Иеффая,/ Давида и Соломона.

И ныне:

Солнце великое—Создатель—от Неискусомужныя Девы,/ яже от Адама просветити в Вифлеем тщится./ Темже возвещает чудо праотец всесветлейшая память.

**На хвалитех стихиры воскресны 4
и святых праотцев 4, глас 2.**

Подобен: Дѡме Евфрафов:

Вси честных ныне праотец память совершаем,/ поюще Богоугѡдное сих житие,/ егѡже ради возвеличишася.

Дважды.

Стих: Благословѣн еси, Господи Бѣже отецъ нашихъ, / и хвально, и прославлено Имя Твое во вѣки.

Угасиша силу отроцы огненную, / ликующе посреде пѣци / и поюще Бога всесильнаго.

Стих: Яко праведен еси о всехъ, / яже сотворил еси намъ.

В рове заключенъ, зверемъ сообитатель, / Даниилъ пророкъ / непричастен сихъ показася озлобленія.

Слава, глас 7. Германово:

Приидите вси, верно торжествуемъ / прежде закона отецъ, / Авраама и сущихъ с нимъ лѣтнюю пѣмь. / Иудово плѣмя достойно почтемъ, / яже в Вавилонѣ отроки, угасившия пѣщный пламень, / яко Троицы образъ с Данииломъ восхвалимъ, / пророческая прореченія извѣстно держяще, / со Исаиемъ велегласно возопиимъ: / се Дѣва во чреве приметъ / и родитъ Сына Еммануила, / Иже есть с нами Богъ.

И ныне, Богородичен: Преблагословенна еси:

Славословіе великое. Ектений, и отпу́ст, и стихира Евангельская. Час 1-й и конечный отпу́ст.

НА ЛИТУРГІИ

Блаженны Октѣиха, на 6; праотцевъ песнь 3-я, на 4. По входе тропарь воскресенъ и праотцевъ. Слава, и ныне, кондакъ праотцевъ. Прокименъ, песнь отцевъ, глас 4: Благословенъ еси, Господи Бѣже отецъ нашихъ, / и хвально и прославлено Имя Твое во вѣки. **Стих:** Яко праведен еси о всехъ: Апостолъ праотцевъ, къ Колоссаемъ, зачало 257. Аллилуія, глас 4: Моисей и Ааронъ во иереехъ Его, / и Самуилъ в призывающихъ Имя Его. Евангелие отъ Луки, зачало 76. Причастен: Хвалите Господа с Небесъ: Другій: Радуйтесь, праведнии, о Господе:

Вѣдати подобаетъ, яко от сего 11-го дне начинается *зри* недѣля праотеческая и восходитъ сего же декабря до 17 дне. Бывае же сице:

Аще убо случится Рождество Христово в недѣлю, и тогда праотеческая недѣля бывае декабря в 11-й день.

А святыхъ отецъ недѣля, яже предъ Рождествомъ Христовымъ, декабря в 18-й день.

Аще ли случится Рождество Христово в понедѣльникъ, и тогда праотеческая недѣля бывае декабря в 17-й день.

А недѣля святыхъ отецъ, яже предъ Рождествомъ Христовымъ, тогда бывае декабря в 24-й день.

Аще ли случится Рождество Христово во вторник, и тогда праотеческая неделя бывает декабря в 16-й день.

А святых отец неделя, яже пред Рождеством Христовым, декабря в 23-й день.

Аще ли случится Рождество Христово в среду, и тогда бывает праотеческая неделя декабря в 15-й день.

А святых отец неделя декабря в 22-й день.

Аще ли случится Рождество Христово в четверток, и тогда бывает праотеческая неделя декабря в 14-й день.

А святых отец неделя декабря в 21-й день.

Аще ли случится Рождество Христово в пятък, и тогда бывает праотеческая неделя декабря в 13-й день.

А святых отец неделя в 20-й день.

Аще ли случится Рождество Христово в субботу, и тогда бывает праотеческая неделя декабря в 12-й день.

А неделя святых отец, яже пред Рождеством Христовым, декабря в 19-й день.

От zde блюди неделю святых праотец, в кое число прилучится.

Аще и прежде недели 28-я или послезде: И на Литургии Евангелие чти недели 28-я, от Луки, зачало 76: **Человек некий сотвори вечерю велию: непременно едино. А в 28-ю неделю чти рядовое, кое прилучится инья недели.**

Подобает ведати о недели святых праотец.

Егда убо бывает неделя святых праотец, оставляется последование прилучившагося святаго в ту неделю, и поем прежде в пятък на повечерии.

В субботу на малой вечерни поем по обычаю. На велицей вечерни на Господи, **возвах: стихиры вокресны 3 и восточны 3, Анатолиевы, и святых праотец 4, глас 8. Подобен: Иже во Едеме: Слава, праотцев, глас 6: Иже прежде закона: И ныне, Богородичен настоящего гласа. На литии стихира храма. Слава, праотцев, глас 1: Лучами облиставшися Богоглаголения: И ныне, Богородичен: Се, исполнися Исаиино: На стиховне стихиры вокресны: Слава, праотцев, глас 3: Праотец собор: И ныне, Богородичен: Без семени от Божественнаго Духа: На благословении хлебов тропарь: Богородице Дево: дважды и праотцев единойжды, глас 2: Верую праотцы оправдал еси:**

На утрени: **На Бог Господь: тропарь воскресен дважды, Слава, и ныне праотцев. По 1-й и по 2-й кафизме седальны воскресны и чтение во Евангелии толковом, неделя ряд. Посем полиелей и тропари воскресны. Ангельский собор: Таже ипакой гласа, и седален праотцев, и чтение. Степенна и прокимен гласа. Всякое дыхание: Евангелие воскресное и Воскресение Христово: Псалом 50. Стихира воскресна. Канон воскресен со ирмосом на 4, и отроков на 4, глас 8, и праотцев на 6, глас 1. Катавасия: Христос раждается: По 3-й песни ипакой праотцев единойжды, глас 2: В росу детем: По 6-й песни кондак праотцев, глас 6: Рукописаннаго**

образа не почётше: и икос. По 9-й песни светилен воскресен. Слава, праотцев. И ныне, Богородичен. На хвалитех стихиры воскресны 4 и святых праотцев 4, глас 2. Подобен: Дóме Евфрафов: Слава, праотцев, глас 7: Приидите вси верно: И ныне, Препоблагословенна еси: Славословие великое и отпу́ст: Стихи́ру же Евангельскую поём в притворе. И час 1-й, и конечный отпу́ст.

НА ЛИТУРГИИ

Блаженны гласа на 6 и праотцев песнь 3-я, на 4. По входе тропарь воскресен и праотцев. Слава, и ныне, кондак праотцев. Прокимен, песнь отцев, глас 4: Благословен еси, Господи Бóже отец наших: Стих: Яко праведен еси: Апóстол праотцев к Колоссаем, зачало 257. Аллилу́ия, глас 4: Моисей и Аарон: Евангелие от Лукы, зачало 76. Ряд же недели оставляется. Прича́стен: Хвалите Господа: Другий: Ра́дуйтесь:

